

Gvangjsih Minzczu Bau

Guenjbanh: Gvangjsih Bouxcuengh Sweigih Minzczu Cunghvau Swvu Veijvenzvei

Okbanj: Gvangjsih Minzczu Bause

Geiz neix 8 bani

广西民族报 Aenhauh okbanj: CN45-0036 B.2022 Nd.3 Ng.23 Liggaeuq nyaemzyinz nienz ndwenngaih ngeih 'it

Geizsoq: Gungh daih 3516 geiz

Gvangjsih 14 Aen Hanghmoeg Senjhaeuj Mingzdan Laebhangh Aen Hanghmoeg Bangcienz 2022 Nienzdoh Cienzgoek Yisuz Guekgya 广西 14 个项目入选国家艺术基金 2022 年度资助项目立项名单

Mboengqneix, mingzdan laebhangh aen hanghmoeg bangcienz 2022 nienzdoh cienzgoek yisuz guekgya (hanghmoeg itbuen) fatbough, Gvangjsih 14 aen hanghmoeg ndaej senjhaeuj. Doenghgij yisuzbinj miz daegsaek neix langhbaij le yisuzgai Gvangjsih hoenghfwdfwd caeuq cauhguh cwngzgoj moq.

Ndaw 14 aen hanghmoeg ndaej senjhaeuj, heiq hung caeuq cozbini hanghmoeg miz hangh ndeu, dwg Gvangjsih Higiyei Heiqgveiq 《Dwng

Yingjcauh Dahlgw Nanzningz》; heiq iq caeuq cozbini cauhguh hanghmoeg miz 4 hangh, faenbied dwg Gvangjsih Higiyei heiq iq 《Dangjiyei Veiz Manji》、heiqmuqdog 《Deqcaj》, Gvangjsih Yisuz Cangcoz Cunghsinh diuzgo 《Gvaq Dahsienghgyangh》 caeuq Liujcouh Si Yinhyozgyah Hezveiq diuzgo 《Mbanjdung Angqyangz》; meijisuz cauhguh hanghmoeg miz 3 hangh, baugvat Sangh Cin Vehcungguek 《Bangfuz Vahai Saeh'angq Lai》, Cai Ci Vehcungguek 《Yienghmoq

Baksaek》caeuq Sunh Yenji vehcaet 《Gyaep Moengh·Hwnq Moengh·Yienz Moengh》; youq cienzboq gyauhliuz doigvangq hanghmoeg miz 2 hangh, faenbied dwg Liujcouh Si Yisuz Giyei golaux Betgveiq; Gvangjsih Liujcouh heiqmoeg maenhndei cunzyienj, Gvangjsih Yenji Cizdonz Youjhan Cwzyin Gunghsinh baiheiq 《Yinghyungz Mbeilaux》cunzyienj. Linghvaih, boughcoz yisuz cauhguh vunzcaiz hanghmoeg miz 4 hangh, baugvat Gvangjsih Yisuz Yozyen Can Bingjiyangz deugaek

cauhguh, Gvangjsih Yisuz Yozyen Lonz Hungzveij vehsuijcaij cauhguh, Bwzhaij Si Suhfaz Yen Yangz Gohyinz suhfaz、gaekrin cauhguh caeuq boughswyouz cizyei Hanz Gwzveij vehyouz cauhguh.

Doenghgij cozbini neix mizmbangj haenh dangj hungmbwk, mizmbangj miz gij deihfueng daegsaek, lij mizmbangj neiyungz dwg lajmbanj saenqhwngh、vutgungz gunggeng caeuq aen loqsiengj Cungguek daengj.

(Lij Cunghvwnz)

Cauhbingz: Nditcin Ndei Mbaet Caz Nyaengq

昭平:春光好 采茶忙

3 nyied 19 hauh, youq dieggoek ndaem caz Cauhbingz Yen Coujmaj Cin Sihbingz Cunh, gyoengq vunz cingq mbaet caz. Cauhbingz Yen seizneix gungh miz suen caz 25 fanh moux, bi gai baenz cienz mauhgvaq 20 ik maenz, vunz ndaem caz mauhgvaq 10 fanh vunz. Seizneix, cingq dwg seizciet mbaet cazcin, ngoenznaengz miz baenz geij fanh vunz hwnj bya mbaet caz, baenz gij gingj lengj Cauhbingz.

(Vangz Yuzhuz ingj)



Gvangjsih Okrengz Cinj Fugsah Canjnieb Saenqhwngh Ginhci Hwnghat 广西精准发力服务产业振兴经济发展

Mboengqneix, gicej cam mizgven bouhmonz roxyiuj, gih raeuz okrengz cinj fugsah canjnieb saenqhwngh ginhci hwnghat, doicaenh aen moegbiu “daez caetliengh、bang hwnghat” ndeindi, youq gwnz diuzroen hwnghat youh ndei youh vaiq byaij baihnaj.

Giengzvaq caetliengh dazyinx, haeujlaeg doicaenh aen canloz caetliengh ak Gvangjsih, caetliengh ak si、yienh hozdung cwgoemq 100%. Hai ndei aen hoih hong caetliengh daengx gih, byaujcangh cujsiz caetliengh-cienj 4 aen、daezmingzciengj 8 aen. Gveilinz aen giyei guh yw ndeu ndaej Gaiq Daihseiq Cungguek Caetlienghcieingj daezmingzciengj.

Guhndei caetliengh fugsah, comzyawj Gvangjsih 9 aen dieg comz canjnieb hung、13 diuz lienh canjnieb, baijbouh hwnqbaenz 41 aen bingzdaiz “itcamhsik” fugsah caetliengh, cwgoemq 14.6 fanh aen hawciengz cawjdaej, haiguh fugsah 11.8 fanh baez, gaijgez gisuz nanzdaez 2692 aen, mbaetyungh cienz 9206 fanh maenz.

Gyagiengz biucinj dazyinx, doengh caetliengh daezswng, youq 72 aen dieg cungdenj doicaenh aen cidu “bouxlingxbuet” biucinj giyei, fatbough moq deihfueng biucinj 202 hangh, ndaej guekgya gaep biucinjvaq sawqdiemj 8 aen. Banh ndei Gaiq

Daihngaih Cungguek—Dunghmunz Gozci Biucinjvaq Lundanz, ndaej aen dieggoek son' gyauq vunzcaiz gozci biucinjvaq, hwnqbaenz Cungguek—Dunghmunz biucinj yinzbingzdaiz hidungj, youq Liujcouh laebbaenz aen yozyen biucinjvaq daih'it Gvangjsih.

Gyagiengz geiqliengh dingjengj, fatbough deihfueng geiqliengh gisuz gveihfan 22 hangh. Gyagiengz genjcwz nyinhcingq, dawz dangzwn、benjvunzcauh、raemxgn dajcang、mbawcaz daengj guh “gaiqndei Gvangjsih” nyinhcingq, hawj cienzdoengj daegsaek canjnieb “cauhnieb baez ngeih”. Gyoebseunq 402 loh huq 362 aen

giyei doenggvaq Yanghgangj gauhdonh nyinhcingq, demgya yauqik 75.86 ik maenz. Mbawcingq gak loih caetliengh daengx gih miz 2.92 fanh mbaw, demgya 17.5%.

Yawj maenh fuengyiengq coglaeng hwnghat, caeux maeuzveh diuzroen saedyienh aen moegbiu “song danq”, giyei ndaej cingq caeuq soq mbawcingq nyinhcingq danq daemq cungj baiz youq daengx guek daih'it, ndoengfaex nyinhcingq baiz daihcib、huq youjgih nyinhcingq gyalai 142 mbaw、gencaiz saekheu nyinhcingq saedyienh “dwkbyoengq lingz”.

(Vuz Gyahyozy)